

Enso Hydro Energji Shpk
Pasqyrat Financiare individuale
për vitin e mbyllur më 31 Dhjetor 2018

(me raportin e Audituesve të pavarur)

Përmbajtja

	<u>Faqe</u>
Raporti i Audituesve të pavarur	i-iii
Pasqyra individuale e pozicionit financiar	1-2
Pasqyra individuale e performancës financiare	3
Pasqyra individuale e të ardhurave gjithëpërfshirëse	4
Pasqyra individuale e flukseve monetare	5
Pasqyra individuale e ndryshimeve në kapital	6
Shënime shpjeguese për pasqyrat financiare individuale	7-17



KPMG Albania Shpk
Blvd "Dëshmorët e Kombit"
Kullat Binjake Kulla 1, Kati 13
Tiranë, Shqipëri
+355(4)2274 524
al-office@kpmg.com
kpmg.com/al

Raporti i Audituesve të Pavarur

Për ortakët dhe drejtimin e

Enso Hydro Energji Shpk

Opinion

Ne kemi audituar pasqyrat financiare individuale të Enso Hydro Energji Shpk ("Shoqëria") siç paraqiten në faqet 1 deri 17, të cilat përfshijnë pasqyrën individuale të pozicionit financiar më 31 dhjetor 2018, pasqyrat individuale të performancës financiare dhe të ardhurave gjithëpërfshirëse, ndryshimeve në kapital dhe flukseve të parasë për vitin e mbyllur në atë datë, si dhe shënimet, përfshirë një përmbledhje të politikave të rëndësishme kontabël dhe shënime të tjera shpjeguese.

Sipas opinionit tonë, pasqyrat financiare individuale bashkëlidhur japin një pamje të vërtetë dhe të drejtë të pozicionit financiar të pa konsoliduar të Shoqërisë më 31 dhjetor 2018, të performancës së saj financiare të pa konsoliduar dhe flukseve të saj të parasë të pa konsoliduara për vitin e mbyllur në atë datë, në përputhje me Standardet Kombëtare të Kontabilitetit (SKK).

Baza për Opinionin

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen *Përgjegjësitë e Audituesve për Auditimin e Pasqyrave Financiare Individuale*. Ne jemi të pavarur nga Shoqëria në përputhje me Kodin e Etikës për Profesionistët Kontabël të Bordit të Standardeve Ndërkombëtare të Etikës për Profesionistët Kontabël (Kodi i BSNEPK) dhe me Kodin e Etikës të Institutit të Ekspertëve Kontabël të Autorizuar në Shqipëri (Kodi i IEKA), si dhe me kërkesat etike të Ligjit Nr. 10091, datë 5 mars 2009, "Për auditimin ligjor, organizimin e profesionit të Audituesit Ligjor dhe të Kontabilistit të Miratuar", të ndryshuar, që janë të zbatueshme për auditimin e pasqyrave financiare në Shqipëri, dhe kemi përmbushur përgjegjësitë e tjera etike në përputhje me këto kërkesa dhe me Kodin e BSNEPK dhe Kodin e IEKA.

Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.



Çështje të tjera

Pasqyrat financiare të Shoqërisë më dhe për vitin e mbyllur me 31 dhjetor 2017, janë audituar nga një auditues tjetër që ka shprehur një opinion të pa modifikuar mbi ato pasqyra më 30 mars 2018.

Përgjegjësitë e Drejtimit dhe të Personave të Ngarkuar me Qeverisjen në lidhje me Pasqyrat Financiare

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me SKK-të, dhe për ato kontrole të brendshme që drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, drejtimi është përgjegjës për të vlerësuar aftësinë e Shoqërisë për të vazhduar në vijimësi, duke dhënë informacion, nëse është e zbatueshme, për çështjet që kanë të bëjnë me vijimësinë dhe duke përdorur parimin kontabël të vijimësisë përveç se në rastin kur drejtimi synon ta likuidojë Shoqërinë ose të ndërpresë aktivitetet, ose nëse nuk ka alternativë tjetër reale përveç sa më sipër.

Ata që janë të ngarkuar me qeverisjen janë përgjegjës për mbikëqyrjen e procesit të raportimit financiar të Shoqërisë.

Përgjegjësitë e Audituesit për Auditimin e Pasqyrave Financiare

Objektivat tona janë që të arrijmë një siguri të arsyeshme lidhur me faktin nëse pasqyrat financiare në tërësi nuk kanë anomali materiale, për shkak të mashtrimit apo gabimit, dhe të lëshojmë një raport auditimi që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston. Anomalitë mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e auditimit në përputhje me SNA-të, ne ushtrojmë gjykimin profesional dhe ruajmë skepticizmin profesional gjatë gjithë auditimit. Ne gjithashtu:

- Identifikojmë dhe vlerësojmë rreziqet e anomalisë materiale, qoftë për shkak të mashtrimit ose gabimit, hartojmë dhe kryejmë procedurat e auditimit në përgjigje të këtyre rreziqeve, dhe marrim evidencë auditimi që është e mjaftueshme dhe e përshtatshme për të siguruar një bazë për opinionin tonë. Rreziku i mos zbulimit të një anomalie materiale si rezultat i mashtrimit është më i lartë se rreziku si rezultat i gabimit, sepse mashtrimi mund të përfshijë marrëveshje të fshehta, falsifikime, përjashtime të qëllimshme, informacione të deformuara, anashkalime të kontroleve të brendshme.
- Sigurojmë një njohje të kontrollit të brendshëm që ka të bëjë me auditimin me qëllim që të përcaktojmë procedurat e auditimit që janë të përshtatshme sipas rrethanave, por jo për qëllime të shprehjes së një opinionimi mbi efikasitetin e kontrollit të brendshëm të Shoqërisë.



- Vlerësojmë përshtatshmërinë e politikave kontabël të përdorura dhe arsyeshmërinë e çmuarjeve kontabël dhe të shpjegimeve përkatëse të bëra nga drejtimi.
- Nxjerrim një konkluzion në lidhje me përshtatshmërinë e përdorimit të bazës kontabël të vijimësisë, dhe bazuar në evidencën e auditimit të marrë, nëse ka një pasiguri materiale në lidhje me ngjarjet ose kushtet, e cila mund të hedhë dyshime të mëdha për aftësinë e Shoqërisë për të vijuar veprimtarinë. Nëse ne arrijmë në përfundimin që ka një pasiguri ne duhet të tërheqim vëmendjen në raportin e audituesit në lidhje me shpjegimet e dhëna në pasqyrat financiare, ose nëse këto shpjegime janë të papërshtatshme, duhet të modifikojmë opinionin tonë. Konkluzionet tona bazohen në evidencën e auditimit të marrë deri në datën e raportit tonë. Megjithatë, ngjarje ose kushte të ardhshme mund të bëjnë që Shoqëria të ndërpresë veprimtarinë.
- Vlerësojmë paraqitjen e përgjithshme, strukturën dhe përmbajtjen e pasqyrave financiare, përfshirë informacionet shpjeguese të dhëna, dhe nëse pasqyrat financiare paraqesin transaksionet dhe ngjarjet në to në një mënyrë që arrin paraqitjen e drejtë.

Ne komunikojmë me personat e ngarkuar me qeverisjen, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.

Fatos Beqja
Auditues Ligjor

KPMG Albania Shpk
Blvd "Dëshmorët e Kombit"
Kullat Binjake, Kulla 1, Kati 13
Tiranë, Shqipëri

Tiranë, 12 nëntor 2019

Enso Hydro Energji Shpk
Pasqyra individuale e Pozicionit Financiar
(shumat në Lekë)


Nr	Aktivet	Shenime	31 Dhjetor 2018	31 Dhjetor 2017
	Aktivet afatshkurtra			
	▶ Aktivet monetare	4	26,750,176	3,669,088
1	Banka		26,687,970	3,548,416
2	Arka		62,206	120,672
	▶ Investime		-	-
1	Në tituj pronësie të njëjësive ekonomike brenda grupit		-	-
2	Aksionet e veta		-	-
3	Të tjera investime financiare		-	-
	▶ Të drejta të arkëtueshme	5	8,969,383	9,118,319
1	Nga aktiviteti i shfrytëzimit		-	1,372,044
2	Nga njësitë ekonomike brenda grupit		5,299,694	4,844,754
3	Nga njësitë ku ka interesa pjesëmarrëse			
4	Të tjera		3,669,689	2,901,521
5	Kapital i nënshkruar i papaguar		-	-
	▶ Inventarët		-	-
1	Lëndë e parë dhe materiale të konsumueshme		-	-
2	Prodhime në proces dhe produkte gjysëm të gatshme		-	-
3	Produkte të gatshme		-	-
4	Mallra		-	-
5	Aktive biologjike		-	-
6	AAGJM të mbajtura për shitje		-	-
7	Parapagime për inventar		-	-
	▶ Shpenzime të shtyra		-	-
	▶ Të arkëtueshme nga të ardhurat e konstatuara		-	-
I	Totali aktiveve afatshkurtra		35,719,559	12,787,407
	Aktivet afatgjata			
	▶ Aktivet financiare		2,503,125,962	3,277,304,594
1	Tituj pronësie në njësitë ekonomike brenda grupit	6	821,870,060	1,346,776,749
2	Tituj të huadhënies në njësitë ekonomike brenda grupit	7	1,681,255,902	1,930,527,845
3	Tituj pronësie në njësitë ekonomike ku ka interesa pjesëmarrëse			
4	Tituj të huadhënies në njësitë ekonomike ku ka interesa pjesëmarrëse			
5	Tituj të tjerë të mbajtur si aktive afatgjata		-	-
6	Tituj të tjerë të huadhënies		-	-
	▶ Aktivet materiale	8	156,579	208,771
1	Toka dhe ndërtesa		-	-
2	Impiante dhe makineri		-	-
3	Të tjera instalime dhe pajisje		156,579	208,771
4	Parapagime për aktive materiale dhe në proces		-	-
	▶ Aktive biologjike		-	-
	▶ Aktive jo materiale		-	-
1	Koncesione, patenta, liçenca, marka tregtare, të drejta dhe aktive të ngjashme		-	-
2	Emri i Mirë		-	-
3	Parapagime për AAJM		-	-
	▶ Aktive tatimore të shtyra		-	-
	▶ Kapital i nënshkruar i papaguar		-	-
II	Totali aktiveve afatgjata		2,503,282,541	3,277,513,365
	Aktive totale		2,539,002,100	3,290,300,772

Enso Hydro Energji Shpk
Pasqyra individuale e Pozicionit Financiar
 (shumat në Lekë)

Nr	Detyrimet dhe kapitali	Shenime	31 Dhjetor 2018	31 Dhjetor 2017
	► Detyrime afatshkurtra:			
1	<i>Titujt e huamarrjes</i>		-	-
2	<i>Detyrime ndaj institucioneve të kredisë</i>		-	-
3	<i>Parapagime nga klientët</i>		-	-
4	<i>Të pagueshme për aktivitetin e shfrytëzimit</i>	9	4,526,622	5,900,147
5	<i>Dëftesa të pagueshme</i>		-	-
6	<i>Të pagueshme ndaj njësive ekonomike brenda grupit</i>		177,725	
7	<i>Të pagueshme ndaj njësive ekonomike ku ka interesa pjesëmarrëse</i>		-	-
8	<i>Të pagueshme ndaj punonjësve dhe sigurimeve shoqërore/shëndetsore</i>	10	13,392	13,392
9	<i>Të pagueshme për detyrimet tatimore</i>	10	1,340,844	653,797
10	<i>Të tjera të pagueshme</i>		-	-
	► Të pagueshme për shpenzime të konstatuara		-	-
	► Të ardhura të shtyra		-	-
	► Provizione		-	-
I	Totali i Detyrimeve afatshkurtra		6,058,583	6,567,336
	► Detyrime afatgjata			
1	<i>Titujt e huamarrjes</i>	11	626,337,420	651,491,319
2	<i>Detyrime ndaj institucioneve të kredisë</i>		-	-
3	<i>Arkëtimet në avancë për porosi</i>		-	-
4	<i>Të pagueshme për aktivitetin e shfrytëzimit</i>		-	-
5	<i>Dëftesa të pagueshme</i>		--	-
6	<i>Të pagueshme ndaj njësive ekonomike brenda grupit</i>		-	-
7	<i>Të pagueshme ndaj njësive ekonomike ku ka interesa pjesëmarrëse</i>		-	-
8	<i>Të tjera të pagueshme</i>		-	-
	► Të pagueshme për shpenzime të konstatuara		-	-
	► Të ardhura të shtyra		-	-
	► Provizione		-	-
1	<i>Provizione për pensionet</i>		-	-
2	<i>Provizione të tjera</i>		-	-
	► Detyrime tatimore të shtyra		-	-
II	Totali i Detyrimeve afatgjata		626,337,420	651,491,319
	Detyrime totale		632,396,003	658,058,655
	► Kapitali dhe Rezervat			
	► Kapitali i Nënshkruar	12	2,612,737,000	2,612,737,000
	► Primi i lidhur me kapitalin		-	-
	► Rezerva rivlerësimi		-	-
	► Rezerva të tjera		-	-
1	<i>Rezerva ligjore</i>		-	-
2	<i>Rezerva statutore</i>		-	-
3	<i>Rezerva të tjera</i>		-	-
	► Fitimi i pashpërndarë		19,505,117	22,652,817
	► Fitim/(humbja) e vitit		(725,636,020)	(3,147,700)
	Totali i Kapitalit		1,906,606,097	2,632,242,117
III	Totali i detyrimeve dhe kapitalit		2,539,002,100	3,290,300,772

Shënimet e paraqitura në faqen 7 deri në faqen 17 janë pjesë përbërëse e këtyre pasqyrave financiare. Këto pasqyra financiare individuale janë miratuar nga Bordi Drejtues i Enso Hydro Energji Shpk më 11 Nëntor 2019, dhe janë nënshkruar nga:

Ulrike Krapinger dhe Daniela Hill
 Administratori Përgjithshëm



REZANA KOCOLLARI
 EKSPERTE KONTABEL
 Rezana Kocollari
 Kontabilist

Enso Hydro Energji Shpk
Pasqyra individuale e performancës financiare për vitin e mbyllur më 31 Dhjetor
 (shumat në Lekë)

	Shënime	2018	2017
▶ Të ardhura nga aktiviteti i shfrytëzimit	13	14,221,341	12,529,923
▶ Ndryshimi në inventarin e produkteve të gatshme dhe prodhimit në proces		-	-
▶ Puna e kryer nga njësia ekonomike dhe e kapitalizuar		-	-
▶ Të ardhura të tjera të shfrytëzimit		-	-
▶ Lënda e parë dhe materiale të konsumueshme		-	-
1 <i>Lënda e parë dhe materiale të konsumueshme</i>		-	-
2 <i>Të tjera shpenzime</i>		-	-
▶ Shpenzime të personelit	14	(160,704)	(8,581,868)
1 <i>Paga dhe shpërblime</i>		(64,512)	(8,180,977)
2 <i>Shpenzime të sigurimeve shoqërore dhe shëndetsore</i>		(96,192)	(400,891)
▶ Zhvierësimi i aktiveve afatgjata materiale		-	-
▶ Shpenzime konsumi dhe amortizimi	8	(52,192)	(46,392)
▶ Shpenzime të tjera shfrytëzimi	15	(21,146,663)	(5,115,828)
▶ Të ardhura të tjera	16	43,879,063	52,547,909
1 <i>Të ardhura nga njësitë ekonomike ku ka interesa pjesëmarrëse (të ardhura të paraqitura veçmas nga njësitë ekonomike brenda grupit)</i>	16	43,879,063	52,547,909
2 <i>Të ardhura nga investimet dhe huatë e tjera pjesë e aktiveve afatgjata (të ardhura të paraqitura veçmas nga njësitë ekonomike brenda grupit)</i>		-	-
3 <i>Interesa të arkëtueshëm dhe të ardhura të tjera të ngjashme (të ardhura të paraqitura veçmas nga njësitë ekonomike brenda grupit)</i>		-	-
▶ Zhvierësimi i aktiveve financiare dhe investimeve financiare të mbajtura si aktive afatshkurtra		(647,906,689)	-
▶ Shpenzime financiare		(114,470,176)	(53,783,158)
1 <i>Shpenzime interesi nga njësitë brenda grupit</i>	16	(22,745,840)	(32,452,250)
2 <i>Shpenzime të tjera financiare</i>	17	(91,724,336)	(21,330,908)
▶ Pjesa e fitimit/humbjes nga pjesëmarrjet		-	-
▶ Humbja para tatimit		(725,636,020)	(2,449,414)
▶ Shpenzimi i tatimit mbi fitimin	18	-	(698,286)
1 <i>Shpenzimi aktual i tatimit mbi fitimin</i>		-	(698,286)
2 <i>Shpenzimi i tatimit fitimit të shtyrë</i>		-	-
3 <i>Pjesa e tatimit fitimit të pjesëmarrjeve</i>		-	-
▶ Humbja e vitit		(725,636,020)	(3,147,700)
▶ Fitimi/Humbja për:			
1 <i>Pronarët e njësisë ekonomike</i>		-	-
2 <i>Interesat jo-kontrolluese</i>		-	-

Shënimet në faqet 7 deri në 17 janë pjesë përbërëse e këtyre pasqyrave financiare individuale.

Enso Hydro Energji Shpk**Pasqyra individuale e të ardhurave gjithëpërfshirëse për vitin e mbyllur më 31 Dhjetor**

(shumat në Lekë)

	2018	2017
► Humbja e vitit	(725,636,020)	(3,147,700)
Të ardhura të tjera gjithëpërfshirëse për vitin:	-	-
Diferencat (+/-) nga konvertimi i monedhës në veprimtari të huaja	-	-
Diferencat (+/-) nga rivlerësimi i aktiveve afatgjata materiale	-	-
Diferencat (+/-) nga rivlerësimi i aktiveve financiare të mbajtura për shitje	-	-
Pjesa e të ardhurave gjithëpërfshirëse nga pjesëmarrjet	-	-
► Totali i të ardhurave të tjera gjithëpërfshirëse për vitin	-	-
► Totali i të ardhurave gjithëpërfshirëse për vitin	(725,636,020)	(3,147,700)
► Totali i të ardhurave gjithëpërfshirëse për:	-	-
<i>Pronarët e njësisë ekonomike</i>	-	-
<i>Interesat jo-kontrolluese</i>	-	-

Shënimet në faqen 7 deri në 17 janë pjesë përbërëse e këtyre pasqyrave financiare individuale.

Enso Hydro Energji Shpk
Pasqyra individuale e fluksit të mjeteve monetare
(Shumat në Lekë)

	Shënime	2018	2017
Fluksi i Mjeteve Monetare nga/(përdorur në) aktivitetin e shfrytëzimit			
<i>Humbja para tatimit</i>		(725,636,020)	(2,449,414)
<i>Rregullimet për shpenzimet jomonetare:</i>			
<i>Shpenzimet financiare jomonetare</i>			
<i>Shpenzimet për tatimin mbi fitimin</i>			
<i>Shpenzime konsumi dhe amortizimi</i>	8	52,192	46,392
<i>Zhvlerësimi i investimeve</i>		647,906,689	
<i>Të ardhurat nga interesi</i>	16	(43,879,063)	(52,547,909)
<i>Shpenzime interesi</i>	16	22,745,840	32,452,250
Fluksi i mjeteve monetare i përfshirë në aktivitetet investuese:			
<i>Shumat nga shitja e aktiveve materiale</i>		-	-
<i>Ndryshimet në kapitalin punues:</i>			
<i>Rënie/(rritje) në të drejtat e arkëtueshme dhe të tjera</i>		917,104	(189,111)
<i>Rënie/(rritje) në inventarë</i>		-	-
<i>Rritje/(rënie) në detyrimet e pagueshme</i>		(508,753)	(4,096,059)
<i>Parapagim tatim fitimi</i>		(768,168)	(2,492,118)
Mjete monetare neto përdorur në aktivitetin e shfrytëzimit		(99,170,179)	(29,275,969)
Fluksi i Mjeteve Monetare nga/(përdorur në) aktivitetin e investimit			
<i>Para neto të përdorura për blerjen e filialeve</i>		-	-
<i>Para neto të arkëtuara nga shitja e filialeve</i>		-	-
<i>Pagesa për blerjen e aktiveve afatgjata materiale</i>		-	(92,787)
<i>Arkëtime nga shitja e aktiveve afatgjata materiale</i>		-	-
<i>Pagesa për blerjen e investimeve</i>		-	-
<i>Arkëtime nga shitja e investimeve të tjera</i>		-	-
<i>Dividentë të arkëtuara</i>		-	-
<i>Hua të disbursuara</i>		-	(54,476,381)
<i>Arkëtime nga huatë</i>		170,151,007	-
Mjete monetare neto nga/(përdorur në) aktivitetin e investimit		170,151,007	(54,569,168)
Fluksi i Mjeteve Monetare nga/(përdorur në) aktivitetin e financimit			
<i>Arkëtime nga emetimi i kapitalit aksionar</i>		-	-
<i>Arkëtime nga emetimi i aksioneve të përdorura si kolateral</i>		-	-
<i>Hua të arkëtuara</i>		(47,899,740)	45,670,271
<i>Pagesa e kostove të transaksionit që lidhen me kreditë dhe huatë</i>		-	-
<i>Riblerje e aksioneve të veta</i>		-	-
<i>Pagesa e aksioneve të përdorura si kolateral</i>		-	-
<i>Pagesa e huave</i>		-	-
<i>Pagesa për detyrimet e qirasë financiare</i>		-	-
<i>Interes i paguar</i>		-	-
<i>Dividendë të paguar</i>		-	-
Mjete monetare neto nga/(përdorur në) aktivitetin e financimit		(47,899,740)	45,670,271
Rritje/(rënie) neto në mjete monetare dhe ekuivalentë		23,081,088	(38,174,866)
Mjete monetare dhe ekuivalentë të mjeteve monetare më 1 janar 2018	4	3,669,088	41,843,954
Mjete monetare dhe ekuivalentë të mjeteve monetare më 31 dhjetor	4	26,750,176	3,669,088

Shënimet në faqen 7 deri në 17 janë pjesë përbërëse e këtyre pasqyrave financiare individuale.

Enso Hydro Energji Shpk
Pasqyra individuale e ndryshimeve në kapitalin neto për vitin e mbyllur më 31 Dhjetor
(Shumat në Lekë)

	Kapitali i nënshkruar	Primi i lidhur me kapitalin	Rezerva Rivlerësimi	Rezerva Ligjore	Rezerva Statutore	Rezerva të tjera	Fitimet e Pashpërndara	Humbja e vitit	Totali	Interesa Jo-Kontrollues	Totali
► Pozicioni financiar më 31 dhjetor 2017	2,612,737,000	-	-	-	-	-	22,652,817	-	2,635,389,817	-	2,635,389,817
Humbja e vitit	-	-	-	-	-	-	-	(3,147,700)	-3,147,700	-	-3,147,700
Të ardhura të tjera gjithëpërfshirëse për vitin	-	-	-	-	-	-	-	-	-	-	-
Të ardhura totale gjithëpërfshirëse për vitin	-	-	-	-	-	-	-	-	-	-	-
Transaksionet me pronarët e njësisë ekonomike:	-	-	-	-	-	-	-	-	-	-	-
Dividendë të paguar	-	-	-	-	-	-	-	-	-	-	-
Totali i transaksioneve me pronarët e njësisë ekonomike	-	-	-	-	-	-	-	-	-	-	-
► Pozicioni financiar më 1 janar 2018	2,612,737,000	-	-	-	-	-	22,652,817	(3,147,700)	2,632,242,117	-	2,632,242,117
Humbja e vitit	-	-	-	-	-	-	-	(725,636,020)	(725,636,020)	-	(725,636,020)
Të ardhura të tjera gjithëpërfshirëse për vitin:	-	-	-	-	-	-	-	-	-	-	-
Të ardhura totale gjithëpërfshirëse për vitin:	-	-	-	-	-	-	-	-	-	-	-
Transaksionet me pronarët e njësisë ekonomike:	-	-	-	-	-	-	-	-	-	-	-
Transferimi i humbjes	-	-	-	-	-	-	(3,147,700)	3,147,700	-	-	-
Totali i transaksioneve me pronarët e njësisë ekonomike	-	-	-	-	-	-	-	-	-	-	-
► Pozicioni financiar më 31 dhjetor 2018	2,612,737,000	-	-	-	-	-	19,505,117	(725,636,020)	1,906,606,097	-	1,906,606,097

Shënimet në faqet 7– 17 janë pjesë përbërese e këtyre pasqyrave financiare.

1. Njësia raportuese

Enso Hydro Energji sh.p.k (“Shoqëria”) është një filial i zotëruar në masën 80% nga enso hydro GmbH, e cila është edhe shoqëria kontrolluese perfundimtare e grupit. Pjesa e mbetur prej 20% e kuotave të kapitalit zotërohet nga International Finance Corporation (IFC).

Shoqëria u themelua më 3 gusht 2011 dhe u regjistrua në Qendrën Kombëtare të Regjistrimit më 17 gusht 2011 me numër identifikimi L12017010Q dhe seli në Tiranë, Shqipëri. Administratorët e shoqërisë janë Znj. Ulrike Krapinger dhe Z. Jürgen Gaisberger.

Selia e shoqërisë është në rrugën Jul Variboba, Vila nr. 10, Tiranë, Shqipëri. Shoqëria është regjistruar si një entitet i tatueshëm në Zyrën Tatimore të Qarkut të Tiranës me numër identifikimi L12017010Q. Numri i të punësuarve më 31 dhjetor 2018 është 2 (31 dhjetor 2017: 2)

Aktiviteti kryesor. Veprimtaria kryesore e shoqërisë është ndërtimi, përdorimi, blerja dhe shitja e hidrocentraleve, prodhimi i energjisë elektrike dhe shitja e saj me shumicë për konsumatorët dhe shpërndarësit.

Shoqëria realizon objektivat e saj duke themeluar një portofol të qëndrueshëm investimesh në hidrocentrale të vegjël e të mesëm. Shoqëria është krijuar për të përmbushur objektivat e enso hydro GmbH për investime të tilla në Shqipëri. Enso hydro GmbH investon në projekte centrale elektrike, kryesisht nëpërmjet filialeve të huaja të krijuara për qëllime të posaçme në rajonet e synuara.

Filialet. Enso Hydro Energji sh.p.k ka blerë tre shoqëri të quajtura, Hasi Energji sh.p.k, Lengarica & Energy sh.p.k dhe Mati Hydropower sh.p.k.

Shoqëria zotëron 99.9% të kuotave të Lengarica & Energy sh.p.k, ndërsa kuotat e mbetura zotërohen nga Hasi Energji sh.p.k. Lengarica është një shoqëri e themeluar nga Hasi Energji sh.p.k për të përmbushur të drejtat dhe detyrimet që rezultojnë nga një marrëveshje konçesioni me Ministrinë e Industrisë dhe Energjetikës së Republikës së Shqipërisë (Autoriteti kontraktues) për ndërtimin e një hidrocentrali në Lengaricë-Petran, Përmet. Për të përfituar pronësinë dhe kontrollin e plotë të Lengarica & Energy sh.p.k., shoqëria ka blerë 100% të aksioneve të Hasi Energji sh.p.k. i cili është gjithashtu përgjegjës ndaj Autoritetit Kontraktues për këtë marrëveshje konçesionale deri në momentin që hidrocentrali do të fillojë punën.

Shoqëria gjithashtu zotëron 90.01% të kuotave të Mati Hydropower sh.p.k., i cili zotëron një marrëveshje konçesioni për ndërtimin e hidrocentraleve në lumin Mat, Mat, Shqipëri.

Hidrocentrali i Lengarica & Energy sh.p.k. u ndertua ne Dhjetor 2015 me fuqi 8,960 kW, për prodhimin e energjisë elektrike prej 32,190,000 kWh, ndërsa Hidrocentrali i Mati Hydropower sh.p.k. pritet të ketë një fuqi totale të instaluar prej 38,000 kW për prodhimin e 134,700,000 kWh energji.

Të dyja marrëveshjet konçesionale janë përpiluar sipas formës BOT (Ndërto, Shfrytëzo dhe Transfero tek Autoriteti Kontraktues pas përfundimit të periudhës së konçesionit prej 35 vjetësh).

2. Bazat e përgatitjes së pasqyrave financiare

2.1 Deklarata e pajtueshmërisë

Pasqyrat financiare individuale janë përgatitur në përputhje me Standardet Kombëtare të Kontabilitetit (SKK). Në shënimin 3 trajtohet në mënyrë më të detajuar informacioni mbi politikat e rëndësishme kontabël të Shoqërisë.

2. Bazat e përgatitjes së pasqyrave financiare (vazhdim)

2.2 Parimi i vijimësisë

Këto pasqyra financiare individuale janë përgatitur nga Drejtimi mbi bazën e parimit të vijimësisë. Në kryerjen e këtij vlerësimi, Drejtimi kreu një analizë të hollësishme duke marrë në konsideratë të gjitha faktet dhe rrethanat në dispozicion dhe pozicionin financiar të shoqërisë, qëllimet aktuale, përmirësimin e pritshëm në përfitueshmërinë e aktivitetit të shfrytëzimit dhe aksesin në burimet financiare të grupit, në mënyrë që të konkludojë nëse shoqëria mund të vazhdojë të funksionojë sipas parimit të vijimësisë në të ardhmen e parashikueshme. Nën "të ardhmen e parashikueshme", Drejtimi merr në konsideratë të gjitha informacionet e disponueshme për të ardhmen, e cila është të paktën, por nuk kufizohet në, dymbëdhjetë muaj nga përfundimi i periudhës së raportimit. Përfundimi nga analiza e mësipërme është se shoqëria nuk përballet me ndonjë problem operimi dhe nuk parashikon ndonjë deri në fund të vitit 2019. Për më tepër, Drejtimi i Enso Hydro GmbH ka shprehur angazhimin për të vazhduar mbështetjen e aktivitetit të shoqërisë.

2.3 Bazat e matjes

Pasqyrat financiare individuale janë përgatitur në bazë të kostos historike.

2.4 Monedha funksionale dhe e paraqitjes

Këto pasqyra financiare individuale paraqiten në Lekë, e cila është dhe monedha funksionale e shoqërisë, monedha kryesore e mjedisit ekonomik në të cilin shoqëria kryen aktivitetin e saj.

2.5 Vlerësime dhe gjykime

Përgatitja e këtyre pasqyrave financiare individuale kërkon që drejtimi të bëjë gjykime, vlerësime dhe supozime që ndikojnë aplikimin e politikave kontabël dhe shumave të raportuara të aktiveve, detyrimeve, të ardhurave dhe shpenzimeve. Rezultati aktual mund të ndryshojë në varësi të këtyre vlerësimeve.

Vlerësimet dhe supozimet rishikohen në mënyrë të vazhdueshme. Rishikimet e vlerësimeve njihen në mënyrë prospektive.

Informacioni mbi supozimet dhe pasiguritë e vlerësimit që kanë një rrezik të konsiderueshëm për të rezultuar në një rregullim material në periudhat e ardhshme është përfshirë në shënimin 6-zhvlerësimi i titujve të pronësisë në njësitë ekonomike brenda grupit.

3. Politikat e rëndësishme kontabël

Politikat kontabël të mëposhtme janë zbatuar në mënyrë të qëndrueshme në periudhat e paraqitura, përveç rasteve kur specifikohet ndryshe.

3.1 Filialet dhe konsolidimi

Filialet janë njësi ekonomike të kontrolluara nga Shoqëria. Kontrolli ekziston kur Shoqëria ka fuqinë, direkt ose indirekt, të drejtojë politikat financiare dhe operative të një njësie ekonomike në mënyrë që të marrë përfitime nga aktivitetet e saj. Në vlerësimin e kontrollit, merren parasysh të drejtat e mundshme të votimit që janë aktualisht të ushtrueshme ose të konvertueshme. Bazuar në kërkesat lokale ligjore dhe mbikqyrse, shoqërisë i kërkohet të raportojë si pasqyrat financiare të konsoliduara, ashtu edhe paketën e plotë të pasqyrave financiare individuale të shoqërisë mëmë. Këto pasqyra financiare individuale nuk konsolidojnë aktivitetet e filialeve së saj, por pasqyrat financiare të konsoliduara që përputhen me Standardet Kombëtare të Kontabilitetit janë në dispozicion për përdorim publik.

3. Politikat e rëndësishme kontabël (vazhdim)

3.2 Transaksionet në monedhë të huaj

Transaksionet në monedhë të huaj përkthehen në monedhën funksionale me kursin e këmbimit në datën e transaksionit.

Aktivitet dhe detyrimet monetare në monedhë të huaj përkthehen në monedhën funksionale me kursin e këmbimit në datën e raportimit. Aktivitet dhe detyrimet jo-monetare që maten me vlerën e drejtë në monedhë të huaj, përkthehen në monedhën funksionale me kursin e këmbimit të momentit kur përcaktohet vlera e drejtë. Zërat jo-monetarë që maten bazuar në koston historike në monedhë të huaj, përkthehen me kursin e këmbimit në datën e transaksionit. Diferencat nga konvertimi njihen përgjithësisht në fitim ose humbje.

Monedha Euro (e cila është monedha kryesore me të cilën operon shoqëria) u konvertua me kursin 123.42 (2017: 132.95) Lekë.

3.3 Instrumentet financiarë

Instrumentet financiarë joderivativë përbëhen nga llogari të arkëtueshme, mjete monetare dhe ekuivalentë të mjeteve monetare, dhe llogari të pagueshme dhe të pagueshme të tjera.

Instrumentet financiarë joderivativë njihen fillimisht me vlerën e drejtë plus, për instrumentat që nuk maten me vlerën e drejtë përmes fitimit ose humbjes, dhe çdo kosto transaksioni që lidhet me to, përveç siç përshkruhet më poshtë. Pas njohjes fillestare instrumentet financiarë joderivativë maten siç përshkruhet më poshtë.

Një instrument financiar njihet nëse shoqëria bëhet palë në kushtet kontraktuale të instrumentit. Aktivitet financiarë çregjistrohen kur skadojnë të drejtat kontraktuale të shoqërisë mbi flukset e parasë së aktivitetit financiar ose kur shoqëria transferon aktivitetin financiar tek një palë e tretë pa mbajtur në thelb kontrollin ose gjithë rreziqet dhe përfitimet e aktivitetit. Blerjet dhe shitjet normale të aktiveve financiare kontabilizohen në datën e transaksionit, e cila është data në të cilën shoqëria angazhohet të blejë apo të shesë aktivitetin. Detyrimet financiare çregjistrohen nëse detyrimet kontraktuale të shoqërisë skadojnë, shfuqizohen ose anulohen.

Mjetet monetare dhe ekuivalentet e mjeteve monetare

Mjetet monetare dhe ekuivalentët e mjeteve monetare përfshijnë arkën, llogaritë rrjedhëse dhe depozitat afatshkurtër me bankat, të cilat fillimisht njihen me vlerën e drejtë dhe në vijim maten me koston e amortizuar duke përdorur metodën e interesit efektiv. Për qëllimin e pasqyrës së flukseve monetare, paraja dhe ekuivalentet e saj përfshijnë depozitat pa afat me një maturim prej tre muajsh ose më pak që nga data e fillimit të tyre.

Llogaritë e arkëtueshme dhe të arkëtueshme të tjera

Llogaritë e arkëtueshme dhe të arkëtueshme të tjera fillimisht njihen me vlerën e drejtë dhe më pas maten me koston e tyre të amortizuar minus humbjet nga zhvlerësimi. Një provizion për zhvlerësimin e llogarive të arkëtueshme regjistrohet kur ekzistojnë evidence objektive që shoqëria nuk do të jetë në gjendje të mbledhë të gjitha shumat në afatet fillestare të përcaktuara. Vështirësi të konsiderueshme financiare të debitorit, mundësia që debitori të falimentojë ose të riorganizohet financiarisht konsiderohen tregues që llogaria e arkëtueshme është zhvlerësuar. Shuma e provizionit është diferenca midis vlerës kontabël të aktivitetit dhe vlerës aktuale të flukseve të ardhshme monetare të vlerësuar, të aktualizuara me normën fillestare efektive të interesit.

3. Politikat e rëndësishme kontabël (vazhdim)

3.3 Instrumentet financiarë (vazhdim)

Llogaritë e pagueshme dhe të pagueshme të tjera

Llogaritë e pagueshme dhe të pagueshme të tjera fillimisht njihen me vlerën e tyre të drejtë dhe më pas maten me koston e tyre të amortizuar, duke përdorur metodën e interesit efektiv.

Huamarrjet

Huamarrjet njihen fillimisht me vlerë të drejtë minus koston e transaksionit ndërsa më pas me koston të amortizuar, duke përdorur metodën e interesit efektiv.

Tituj pronësie në njësitë ekonomike ku ka interesa pjesëmarrëse

Titujt e pronësie në njësitë ekonomike ku ka interesa pjesëmarrëse njihen fillimisht me koston, dhe më pas maten me koston minus humbjet nga zhvlerësimi.

Të tjera

Instrumente të tjerë financiarë joderivativë maten me koston të amortizuar sipas metodës së interesit efektiv, duke zbritur çdo humbje nga zhvlerësimi.

Vlera e drejtë

Vlera e drejtë e mjeteve monetare dhe ekuivalentëve të tyre, të kërkesave për t'u arkëtuar, detyrimeve për t'u paguar, huave, minus çdo zhvlerësim, supozohen të jenë të përafërta me vlerat e tyre kontabël.

3.4 Aktive afatgjata materiale

(i) Njohja dhe matja

Të gjitha aktivet afatgjata materiale paraqiten me koston minus zhvlerësimin dhe amortizimin e akumuluar, nëse ka. Kostoja përfshin shpenzime të cilat lidhen drejtpërdrejt me blerjen e aktivit.

Kostoja e aktiveve të vetë-ndërtuara përfshin koston e materialeve dhe punës direkte (nqs përfshihet), çdo kosto tjetër të lidhur drejtpërdrejt me sjelljen e aktivitetit në gjendje pune për qëllimin e synuar të përdorimit, si dhe koston e çmontimit, heqjes së pjesëve dhe sjelljes si në gjendjen e mëparshme të vendndodhjes së aktivitetit. Shpenzimet kapitale të aktiveve të kryera gjatë ndërtimit kapitalizohen në "Ndërtime në proces" dhe transferohen në kategorinë përkatëse të aktivitetit kur përfundon ndërtimi i tij, nga kur zbatohet amortizimi përkatës sipas kategorisë.

Në rastet kur pjesë të një aktiviteti afatgjatë material kanë jetëgjatësi të ndryshme, ato kontabilizohen si zëra të ndryshëm (komponentët më të mëdhenj) të aktiveve afatgjata materiale.

Fitimet dhe humbjet nga shitjet apo nxjerrjet jashtë përdorimit të një zëri përcaktohen duke krahasuar vlerën e shitjes me vlerën e mbetur të aktivitetit, dhe njihen neto në "të ardhura të tjera" në pasqyrën e të ardhurave dhe shpenzimeve.

(ii) Kostot e mëpasshme

Kostoja e zëvendësimit të një pjese të një zëri të aktiveve afatgjata materiale njihet në vlerën kontabël të atij zëri nëse është e mundshme që shoqëria do të realizojë përfitime të ardhshme ekonomike nga përdorimi i pjesës zëvendësuese dhe kostoja e pjesës mund të matet në mënyrë të besueshme. Kostot e shërbimeve të zakonshme të aktiveve afatgjata materiale njihen si shpenzime kur ato ndodhin.

(iii) Amortizimi

Amortizimi ngarkohet në pasqyrën e të ardhurave dhe shpenzimeve duke përdorur metodën rënëse për të gjitha aktivet afatgjata materiale, mbi jetën e dobishme të vlerësuar të secilës pjesë të një aktiviteti afatgjatë material duke nisur nga dita e parë e muajit që pason muajin e blerjes. Jetëgjatësia e dobishme e vlerësuar për periudhën aktuale dhe metodat përkatëse të amortizimit janë si më poshtë:

Kategoritë	Metoda e amortizimit	Norma amortizimit
Instalime dhe pajisje të tjera	Vlera e mbetur	25%

Metoda e amortizimit, jeta e dobishme dhe vlera e mbetur rishikohen në çdo datë raportimi.

3. Politikat e rëndësishme kontabël (vazhdim)

3.5 Zhvlerësimi

(i) Aktivet financiare

Një aktiv financiar konsiderohet i zhvlerësuar nëse ka të dhëna objektive që tregojnë se një apo disa ngjarje kanë efekte negative në flukset e ardhshme që parashikohet të burojnë nga aktiviteti.

Një zhvlerësim në lidhje me aktivin financiar, të matur me kosto të amortizuar, llogaritet si diferencë midis vlerës së mbetur dhe vlerës aktuale të flukseve të ardhshme të parashikuara të parasë të skontuara me normën efektive të interesit.

Aktivitetet financiare të rëndësishme individualisht testohen për zhvlerësim në mënyrë individuale. Aktivitetet e tjera financiare vlerësohen në mënyrë të grupuar, në grupe që kanë karakteristika të ngjashme të riskut të kreditit. Të gjitha humbjet nga zhvlerësimi njihen në pasqyrën e të ardhurave dhe shpenzimeve.

Një humbje nga zhvlerësimi rimerret nëse rimarrja mund të lidhet objektivisht me një ngjarje të ndodhur pas njohjes së humbjes nga zhvlerësimi. Për aktivitetet financiare të matura me kosto të amortizuar, rimarrja njihet në pasqyrën e të ardhurave dhe shpenzimeve.

(ii) Aktivet jo-financiare

Vlera e mbetur e aktiveve jo-financiare të shoqërisë, rishikohet në çdo datë raportimi për të përcaktuar nëse ka të dhëna për zhvlerësim. Nëse ka të dhëna të tilla atëherë vlerësohet vlera e rikuperueshme e aktivitetit.

Shuma e rikuperueshme e një aktiviteti ose njësie gjeneruese mjetesh monetare (CGU) është më e madhja midis vlerës së saj në përdorim dhe vlerës së drejtë të saj minus kostot e shitjes. Për vlerësimin e vlerës në përdorim, flukset e parashikuara monetare skontojnë duke përdorur një normë skontimi para tatimit që pasqyron vlerësimet aktuale të tregut për vlerën kohore të parasë dhe rreziqet specifike për aktivitetin. Për qëllime të testimit të zhvlerësimit, aktivitetet grupohen së bashku në grupin më të vogël të aktiveve që gjenerojnë hyrje të mjeteve monetare nga përdorimi i vazhdueshëm, të cilat janë të pavarura nga hyrjet në mjete monetare të aktiveve ose grupeve të tjera të aktiveve ("CGU")

Një humbje nga zhvlerësimi njihet nëse vlera e mbetur e një aktiviteti apo e "CGU" së tij tejkalon vlerën e tij të rikuperueshme. Humbjet nga zhvlerësimi njihen në pasqyrën e të ardhurave dhe shpenzimeve. Humbjet nga zhvlerësimi në lidhje me "CGU" janë shpërndarë për të zvogëluar vlerën kontabël të aktiveve në njësi (grup njësis) në baza proporcionale. Humbjet nga zhvlerësimi të njohura në periudhat e mëparshme vlerësohen në çdo datë raportimi nëse ka ndonjë indikacion se humbja është zvogëluar ose nuk ekziston më. Një humbje nga zhvlerësimi anulohet nëse ka pasur një ndryshim në vlerësimet e përdorura për të përcaktuar shumën e rikuperueshme. Një humbje nga zhvlerësimi anulohet vetëm në atë masë që vlera kontabël neto e aktivitetit nuk tejkalon vlerën kontabël neto që do të ishte përcaktuar, duke zbritur amortizimin dhe zhvlerësimin, nëse nuk do të ishte njohur humbja nga zhvlerësimi.

3.6 Provigjonet

Një provigjon njihet nëse, si rezultat i një ngjarjeje të shkuar, shoqëria ka një detyrim aktual ligjor apo konstruktiv, i cili mund të vlerësohet në mënyrë të besueshme dhe ka një mundësi që të kërkojë flukse dalëse parash për shlyerjen e tij. Provigjonet përcaktohen duke skontuar flukset e pritshme të ardhshme të parasë me një normë skontimi para tatimit që pasqyron vlerësimet aktuale të tregut për vlerën në kohë të parasë dhe për risqet që lidhen me detyrimin në fjalë.

3.7 Njohja e të ardhurave

Të ardhurat nga shërbimet e ofruara njihen në pasqyrën e të ardhurave dhe shpenzimeve në varësi të fazës së përfundimit të transaksionit në datën e bilancit. Asnjë e ardhur nuk njihet nëse ka pasiguri të lartë lidhur me kryerjen e pagesës dhe kostove përkatëse.

3. Politikat e rëndësishme kontabël (vazhdim)

3.8 Të ardhura dhe shpenzime financiare

Të ardhurat financiare përfshijnë të ardhura nga interesi për fondet e investuara, huatë tek njësitë ekonomike ku ka interesa pjesëmarrëse dhe fitime nga kursi i këmbimit. Të ardhurat nga interesi njihen mbi bazën e të drejtave dhe detyrimeve të konstatuara duke përdorur metodën e interesit efektiv.

Shpenzimet financiare përfshijnë shpenzime interesi mbi huamarrjet, humbjet nga kursi i këmbimit, dhe humbjet nga zhvlerësimi i aktiveve financiare. Kostot e huamarrjes njihen në pasqyrën e të ardhurave dhe shpenzimeve me metodën e interesit efektiv.

3.9 Tatimi mbi fitimin

Shpenzimi i tatimit mbi fitimin përfshin tatimin e periudhës dhe tatimin e shtyrë. Shpenzimi aktual i tatimit mbi fitimin njihet në pasqyrën e të ardhurave dhe shpenzimeve përveç rasteve kur lidhet me zëra që njihen drejtëpërsëdrejti në kapital ose të ardhura të tjera gjithëpërfshirëse.

Tatimi aktual

Tatimi aktual është tatimi i pritshëm për t'u paguar ose i arkëtueshëm mbi fitimin e tatueshëm ose humbjen e vitit, duke përdorur normat tatimore të miratuara gjatë periudhës ose në datën e raportimit, dhe të gjitha ndryshimet e detyrimeve të tatimit për vitet e kaluara.

Tatimi i shtyrë

Tatimi i shtyrë njihet në lidhje me diferencat e përkohshme midis vlerës kontabël të aktiveve dhe detyrimeve për qëllime të raportimit financiar dhe shumave të përdorura për qëllime fiskale.

Aktivitetet për tatime të shtyra njihen për humbje tatimore të papërdorur dhe diferencat e zbritshme të përkohshme në masën që është e mundur që fitimet e tatueshme të ardhshme të jenë në dispozicion për tu përdorur kundrejt tyre. Fitimet e ardhshme të tatueshme përcaktohen bazuar në anulimin e diferencave të përkohshme tatimore. Nëse diferencat e përkohshme tatimore nuk mjaftojnë për të njohur të plotë një aktiv tatimor të shtyrë, atëherë konsiderohen fitimet e ardhshme të tatueshme, të rregulluara për anulimet e diferencave të përkohshme ekzistuese, bazuar në planin e biznesit. Aktivitetet tatimore të shtyra rishikohen çdo datë raportimi dhe zvogëlohen deri në masën në të cilën nuk është më e mundur të realizohet përfitim tatimor; këto zvogëlime anulohen kur rriten mundësitë për fitime të ardhshme të tatueshme.

Aktivitetet e panjohura tatimore të shtyra rivlerësohen në çdo datë raportimi dhe njihen deri në masën që është bërë e mundur që fitime të ardhshme të tatueshme kundrejt të cilave mund të përdoren të jenë të mundshme.

Tatimi i shtyrë matet me normat tatimore që pritet të zbatohen ndaj diferencave të përkohshme kur ato kthehen, duke përdorur normat tatimore të miratuara ose që hyjnë në zbatim në mënyrë substanciale në datën e raportimit.

Matja e tatimit të shtyrë pasqyron pasojat tatimore që do të pasojnë nga mënyra në të cilën shoqëria pret të rimarrë ose të shlyejë vlerën kontabël të aktiveve dhe detyrimeve të saj në datën e raportimit.

Aktivitetet dhe detyrimet tatimore të shtyra kompesohen vetëm nëse disa kritere të caktuara përmbushen.

Legjislacioni tatimor shqiptar, i miratuar ose në zbatim në mënyrë substanciale në datën e raportimit, është subjekt i interpretimeve të ndryshme në lidhje me aplikimin mbi transaksionet dhe aktivitetet e shoqërisë. Rrjedhimisht, trajtimet tatimore të vendosura nga menaxhimi dhe dokumentacioni zyrtar mbështetës mund të kundërshtohen nga autoritetet tatimore. Periudhat fiskale mbeten të hapura për t'u audituar nga autoritetet tatimore për tre vite kalendrike para vitit kur është marrë vendimi për rishikim. Në rrethana të caktuara, auditimet mund të mbulojnë periudha më të gjata.

Detyrimet regjistrohen për pozicionet e tatimit mbi të ardhurat, të përcaktuara nga menaxhimi, të cilat ka më shumë gjasa që të mos rezultojnë në vendosjen e taksave shtesë nëse vendimet do të kundërshtoheshin nga autoritetet tatimore. Vlerësimi bazohet në interpretimin e ligjeve tatimore që janë miratuar ose janë në fuqi në mënyrë substanciale deri në fund të periudhës raportuese, dhe çdo çështje gjyqësore të njohur ose vendime të tjera për çështje të tilla. Detyrimet për gjokat, interesat dhe tatime të tjera mbi fitimin njihen bazuar në vlerësimin më të mirë të drejtimit për shpenzimet e nevojshme për të shlyer detyrimet në fund të periudhës raportuese.

3. Politikat e rëndësishme kontabël (vazhdim)

3.10 Përfitimet e punonjësve

Përfitimet afatshkurtëra të punonjësve

Përfitimet afatshkurtëra të punonjësve njihen si shpenzim kur ofrohet shërbimi i lidhur me to. Një detyrim njihet për shumën që pritet të paguhet nëse shoqëria ka një detyrim aktual ligjor ose konstruktiv për të paguar këtë shumë si rezultat i një shërbimi të kaluar të ofruar nga punonjësi dhe detyrimi mund të matet në mënyrë të besueshme.

Pensionet e detyrueshme

Shoqëria, gjatë rrjedhës normale të biznesit, bën pagesa për llogari të vet dhe punonjësve të saj për të kontribuar për pensionet e detyrueshme sipas legjislacionit lokal. Shpenzimet e bëra në emër të Shoqërisë njihen si shpenzim kur ato ndodhin.

4. Aktivet monetare

	<u>31 Dhjetor 2018</u>	<u>31 Dhjetor 2017</u>
Banka në Lekë	2,055,320	111,092
Banka në Euro	24,632,650	3,437,324
Arka	62,206	120,672
Totali	<u>26,750,176</u>	<u>3,669,088</u>

Mjetet monetare në bankë në Euro më 31 Dhjetor 2018 dhe 2017 janë në Raiffeisen Bank Albania, grupi i së cilës (Raiffeisen International AG) është klasifikuar A-2 nga S&P dhe në Intesa SanPaolo Bank Albania sha, grupi i së cilës (Intesa SanPaolo Bank) është klasifikuar A-2 nga S&P.

5. Të drejta të arkëtueshme

	<u>31 Dhjetor 2018</u>	<u>31 Dhjetor 2017</u>
Të arkëtueshme nga palët e lidhura	5,299,694	4,844,754
Të arkëtueshme nga palë të treta	-	1,372,044
Tatim mbi fitimin i parapaguar	3,669,689	2,901,521
Totali	<u>8,969,383</u>	<u>9,118,319</u>

6. Tituj pronësie në njësitë ekonomike brenda grupit

Filialet	31 Dhjetor 2018	31 Dhjetor 2017	Pronesia ne %
Lengarica & Energy sh.p.k	493,524,127	864,466,529	99.9
Mati Hydropower sh.p.k.	296,778,200	419,148,000	90.0
Hasi Energji sh.p.k	31,567,733	63,162,220	100.0
Totali	<u>821,870,060</u>	<u>1,346,776,749</u>	

Gjatë vitit 2018, shoqëria rriti kapitalin e saj të paguar në filialin e saj, Lengarica & Energy shpk në vlerën 123 milion Lekë.

Më 31 Dhjetor 2018, është njohur një fond për zhvlerësim për filialet në vlerën e 676,906,689 Lekë (Lengarica & Energy sh.p.k 493,942,402 Lekë, Mati Hydropower sh.p.k 122,369,800 Lekë dhe Hasi Energji sh.p.k 31,594,487 Lekë). Testi i zhvlerësimit e konsideroi secilin filial si një CGU të veçantë. Vlera e shoqërisë respektive me 31 Dhjetor 2018 u zbrit nga borxhi neto përkatës i shoqërisë për të përcaktuar vlerën e kapitalit të filialeve.

Enso Hydro Energji sh.p.k**Shënime shpjeguese të pasqyrave financiare individuale për vitin e mbyllur më 31 Dhjetor 2018***(Shumat janë në Lekë, përveç rasteve kur specifikohet ndryshe)***7. Tituj të huadhënies në njësitë ekonomike brenda grupit**

Shoqëria i ka dhënë huatë e mëposhtme filialeve të saj.

Shumat në '000	31 Dhjetor 2018				31 Dhjetor 2017		
	Shuma e huasë në monedhë origjinale (Euro)	Shuma e huasë në Lekë	Interesi i përlllogarit ur në Lekë	Totali në Lekë	Shuma e huasë në Lekë	Interesi i përlllogarit ur në Lekë	Totali në Lekë
Lengarica & Energy sh.p.k	5,523	681,666	202,595	884,261	901,021	193,416	1,094,437
Mati Hydropower sh.p.k	5,627	694,546	102,449	796,995	748,176	87,914	836,090
Totali	11,150	1,376,212	305,044	1,681,256	1,649,197	281,330	1,930,527

Huatë dhënë Shoqërisë Lengarica & Energy sh.p.k janë të varura nga pagesa e plotë e detyrimeve sipas Kontrates së Huamarrjes së Lengarica & Energy sh.p.k me Intesa SanPaolo Bank Albania sha. Norma e aplikuar e interesit gjatë 2018 është 3% (2017: 3.25%).

Huatë dhënë Mati Hydropower janë të ripagueshme pas gjashtë muajve që nga momenti që hidrocentrali fillon prodhimin. Norma e aplikuar e interesit gjatë 2018 është 3% (2017: 3.25%).

8. Aktivet materiale

	Instalime dhe pajisje të tjera
Kosto	
Më 1 Janar 2017	402,169
Shtesa	92,787
Më 31 Dhjetor 2017	494,956
Shtesa	-
Më 31 Dhjetor 2018	494,956
Amortizimi i akumuluar	
Më 1 Janar 2017	(239,793)
Shpenzime amortizimi	(46,392)
Më 31 Dhjetor 2017	(286,185)
Shpenzime amortizimi	(52,192)
Më 31 Dhjetor 2018	(338,377)
Vlera neto kontabël	
Më 1 Janar 2017	162,376
Më 31 Dhjetor 2017	208,771
Më 31 Dhjetor 2018	156,579

9. Llogari të pagueshme dhe të pagueshme të tjera

	31 Dhjetor 2018	31 Dhjetor 2017
Llogari të pagueshme ndaj palëve të treta	4,526,622	5,900,147
Llogari të pagueshme ndaj palëve të lidhura	177,725	-
Totali	4,704,347	5,900,147

Llogaritë e pagueshme konsistojnë kryesisht në shërbimet e konsulencave ligjore dhe konsulencave të tjera të papaguara në datën e raportimit.

10. Taksa dhe detyrime tatimore

	31 Dhjetor 2018	31 Dhjetor 2017
Detyrime për tatimin në burim	1,139,040	428,263
TVSH e pagueshme	201,804	225,534
Detyrime për sigurime shoqërore dhe shëndetësore	13,392	13,392
Totali	1,354,236	667,189

Enso Hydro Energji sh.p.k**Shënime shpjeguese të pasqyrave financiare individuale për vitin e mbyllur më 31 Dhjetor 2018***(Shumat janë në Lekë, përveç rasteve kur specifikohet ndryshe)***11. Titujt e huamarrjes**

Shumat në '000	31 Dhjetor 2018			31 Dhjetor 2017		
	Shuma e huasë	Interesa të përlogaritur	Shuma totale	Shuma e huasë	Interesa të përlogaritur	Shuma totale
enso hydro GmbH	604,792	21,545	626,337	620,870	30,621	651,491
Total	604,792	21,545	626,337	620,870	30,621	651,491

Huatë përfshijnë huatë e marra nga enso hydro GmbH. Norma e interesit të aplikuar gjatë vitit 2018 është 3.75%. (2017: 5.5%).

12. Kapitali i paguar

Kapitali i paguar i shoqërisë 2,612,737,000 Lekë (2017: 2,612,737,000 Lekë). Gjatë vitit 2018 nuk ka patur ndryshime në kapitalin e paguar.

	enso hydro GmbH % e pjesëmarrjes	IFC % e pjesëmarrjes	Vlera nominale Në Lekë
Në 31 Dhjetor 2017	2,090,189,600	522,547,400	2,612,737,000
Në 31 Dhjetor 2018	2,090,189,600	522,547,400	2,612,737,000
Në %	80%	20%	100%

13. Të ardhurat nga aktiviteti i shfrytëzimit

	2018	2017
Të ardhura nga palë të treta	14,221,341	5,311,886
Të ardhura të tjera	-	7,218,037
Totali	14,221,341	12,529,923

Shoqëria ka gjeneruar të ardhura nga shërbimet e konsulencës të ofruara ndaj një pale të tretë në masën 14,221,341 Lekë (2017: 5,311,886 Lekë). Gjatë 2017, shoqëria ka gjeneruar gjithashtu të ardhura nga tarifat e menaxhimit faturuar Mati Hydropower Shpk dhe Lengarica & Energy Shpk.

14. Shpenzime të personelit

	2018	2017
Pagat dhe shperblimet	64,512	8,180,977
Shpenzimet për sigurime shoqërore dhe shëndetësore	96,192	400,891
Totali	160,704	8,581,868

15. Shpenzime të tjera shfrytëzimi

	2018	2017
Shërbime konsulence	18,625,489	385,147
Shërbime konsulence dhe shpenzime auditimi	1,591,192	3,050,037
Shpenzime përfaqësimi	177,980	131,642
Qiraja për zyrat	155,431	286,675
Kosto administrative	77,248	119,993
Tatime përveç tatimit mbi fitimin	63,000	63,000
Konsulencë ligjore	58,477	599,134
Shpenzime transporti	-	20,250
Të tjera	397,846	459,950
Total	21,146,663	5,115,829

Shërbimet e konsulencës lidhen me shërbime konsulence manaxheriale dhe teknike nga Mati Hydropower Shpk në masën 16 milion Lekë (2017: zero), dhe konsulencë nga palë të treta në masën 2 milion Lekë (2017: 0.4 milion Lekë).

16. Të ardhura dhe shpenzime nga interesi

	2018	2017
Të ardhura nga interesi	43,879,063	52,547,909
Shpenzime interesi	(22,745,840)	(32,452,250)
Totali	21,133,223	20,095,659

17. Shpenzime të tjera financiare

	2018	2017
Fitime nga kursi i këmbimit	3,961,604	19,441,867
Humbje nga kursi i këmbimit	(95,685,940)	(40,772,775)
Totali	(91,724,336)	(21,330,908)

18. Shpenzimi i tatimit mbi fitimin

Bazuar në legjislacionin shqiptar, norma e tatimit mbi fitimin për vitin e mbyllur më 31 dhjetor 2018 është 15% (2017 :15%). Deklaratat tatimore dorëzohen çdo vit por fitimet apo humbjet e deklaruara për qëllime tatimi konsiderohen vetë deklarime deri në momentin që autoritetet tatimore shqyrtojnë deklaratat dhe regjistrimet e tatimpaguesit dhe lëshojnë vlerësimin final. Ligjet dhe rregullat tatimore shqiptare janë objekt interpretimi nga autoritetet tatimore.

	2018	2017
Humbja e vitit	(725,636,020)	(2,449,414)
Shpenzimet e pazbritshme	671,142,497	7,104,653
(Humbja)/fitimi i tatueshme për vitin	(54,493,523)	4,655,239
Shpenzimi i tatim fitimit	-	698,286

Nuk është njohur një aktiv tatimor i shtyrë ne lidhje me humbjet tatimore të mbartura sepse menaxhimi beson se nuk është e mundshme që në të ardhmen do të ketë fitim të tatueshëm, kundrejt të cilit shoqëria mund të kompensojë humbjet e saj. Aktiv tatimor i shtyrë nuk është njohur edhe për sa i përket zhvlerësimit të titujve të pronësisë në njësitë brenda grupit, sepse zhvlerësimi është i pazbritshëm për qëllime tatimore dhe është e pasigurt që në të ardhmen do të lindin përfitime tatimore nga zhvlerësimi i aktiveve financiare perkatëse.

Enso Hydro Energji sh.p.k**Shënime shpjeguese të pasqyrave financiare individuale për vitin e mbyllur më 31 Dhjetor 2018***(Shumat janë në Lekë, përveç rasteve kur specifikohet ndryshe)***19. Palët e lidhura**

Gjatë kryerjes së veprimtarisë normale të biznesit, shoqëria kryen transaksione me palet e lidhura. Shoqëria kryen transaksione me shoqërinë mëmë të saj dhe me filialet e saj. Balancat dhe transaksionet e shoqërisë me palët e lidhura në datën e bilancit janë si më poshtë:

	Marrëdhënia	31 Dhjetor 2018	31 Dhjetor 2017
Aktive			
<u>Huadhënie</u>			
Lengarica & Energy sh.p.k	Filial	884,260,919	1,094,437,374
Mati Hydropower sh.p.k	Filial	796,994,983	836,090,472
<u>Të arkëtueshme të tjera</u>			
Lengarica & Energy sh.p.k	Filial	5,299,694	-
Mati Hydropower sh.p.k	Filial	-	4,844,754
Detyrime			
<u>Detyrime te tjera</u>			
Mati Hydropower sh.p.k.	Filial	177,725	-
<u>Huamarrie</u>			
enso hydro GmbH	Shoqëria mëmë	626,337,419	651,491,319
Pasqyra e performances			
<u>Të ardhura të tjera</u>			
Lengarica & Energy sh.p.k	Filial	-	3,269,153
Mati Hydropower sh.p.k	Filial	-	3,948,884
<u>Shpenzime ushtrimore</u>			
Mati Hydropower sh.p.k	Filial	16,599,527	-
<u>Të ardhura nga interesi</u>			
Lengarica & Energy sh.p.k	Filial	23,042,682	28,832,811
Mati Hydropower sh.p.k	Filial	20,836,381	23,715,099
<u>Shpenzime interesi</u>			
enso hydro GmbH	Shoqëria mëmë	22,745,840	32,452,250

Kompesimi i personelit drejtues të shoqërisë gjatë 2018 është 160,704 Lekë (2017: 8,581,868 Lekë).

20. Ngjarje pas periudhës së raportimit

Nuk ka ngjarje të tjera të rëndësishme pas datës së raportimit që kërkojnë rregullime apo shënime të tjera shpjeguese në këto pasqyra financiare individuale.